

Мокишэрьянь
ВЛКСМ-нь обкомъ
и Саранскыень
Горкомъ газетасна

Редакциянь адресонь:

Саранск, ул. Карла
Маркса 9—Комсо-
молонь вайгаль

Газетать питец
ковс 60 трешник



КОМСОМОЛОНЬ
ВАЙГЯЛЬ

1

ДЕКАБРЬСТА
1935 КИЗОНЯ
133 (234) №

Лисоня омбоцо киз коти 12

ТЯЧИ ТОПОДЬСЬ
КИЗА, КОДА
ШАВФ
С. М. КИРОВ
ЯЛГАСЬ

СЕРГЕЙ МИРОНОВИЧ КИРОВ

Кизода тядя инголе, 1924-це кизонь декабрь 1-це шистонза, 16 част 30 минутста лоткась шавомода Сергей Миронович Кировъ седиц. Троцкистско-зиновьевско-каменевской контрреволюционной группать подонканзон эзда гнуснай убийцать, рабочай классть злобнай врагонц кяденц эзда кулось Киров ялгась—Ленинонь—Сталинонь партиять выдаюшай деятелец, пламенный трибунц, мезьдонга аф пели (бесстрашнай) революционерсь, партиянь центральнай и ленинградскый комитеттень секретарьсна, ВКП(б)нь ЦК-ть Политбюронц членоц. Ашель мекольденъ кизотнень эзда партиять и рабочай классть тяшкава стака юмафкссна, кода Киров ялгать куломац, тя кристальной большевикъ, партиять и минъ странеконъ трудяензон кельгома ломаньшон куломац. Киров ялгать образоц, сонъ видеконь революционной эряфоц, сонъ самоотверженной тюремац, сонъ работац, конаньди сон путнезе сембе эсь страсьтенц, партияти и Сталин ялгати сонъ безграничной преданностъ—ащихть образцоц и примеркс эрь большевикти, партийнайти и аф партийнайти, эрь трудяйти.

Эсь 30 кизонь сознательнай эряфонц Киров ялгась максозе партияти и рабочай классти. Ингольденъ Вятскый губернянь аф оцю ошкять Уржумть эзда сявомок, реакциянь и победоносной социалистической революциянь кизотнень пачк, пролетарскый Ленинградти модемс, якстерь сюрекс мольтя пламенной бесстрашной революционерть-большевикъ сембе боевой эряфоц.

18 кизоса од цьоракс тушедозе Киров ялгась эсь революционной эряфонц. Студенчестванъ революционной кружокнень эса пуроптовсть (формировандавсть) сонъ политической взглядонза Тядя меле—Томсксь, Петербургса 1905-це кизонь кровавай событиятненьди ответоньди вооружонной восстаниянь пуроптомась, васеньце боевой крещениясь—тюрьмась. Тядя меле—железнодорожникнень забастовкасон пуроптомац, танга тюрьма, подпольнай типографиянь пуроптома и танга тюрьма—3 кизос крепостье пякстама. Иркутск, Владикавказ, упорнай работа партийнай организациять пуроптоманц колга и, танга меки, лувксонъ коряс нилецеда, арестсь и тюрьма, ссылка этапонъ коряс теенза инголи содафни Томскай.

Царскый тюрьмась ульсь Киров ялгати университетокс. Тяс профессиональной революционерсь—большевиксь использовандазе сембе свободнай пингть эсь содамышинц касфтомс, сонъ эсонза ковандакшневь кемя воля победати.

Февральскый революциясь... Киров ялгась примси эсонза сембода живой и непосредственной участия кода владикавказскый комитетонъ член. Сяда меле Сергей Миронович—Кавказса советскый власть фкья инъ виднейшай организатороц, белай бандатнень каршес тюремать руководителец, Астрахань ошть оборонанц организатороц, 11-це армиять руководителензон



эзда фкья инъ цебярь руководителесь, Деникинть срафтоманц, Бакуса и Севернай Кавказса советскый власть ладяманц организаторсна.

Аф лама пинге Киров ялгась ульсь дипломатическый работаса, а сяда меле партиясь кучсесы сонъ партийнай работанъ инъ ответственной участкас, конанъ лангс сон лиядкшнесь эсь эряфонц мекпальденъ шинц самс. Бакусь и Ленинградсь—Киров ялгать партийнай работанъ кафта мекпальденъ инъ оцю вежанза. Минъ партияньконъ эса нят кафта инъ оцю и инъ сире организациятьнень лангса мольфць руководство Сергей Мироновичсь, конач сувафнезе эсь работазонза сембе большевистскый страстностъ, лакай вийть, аф сизефневи шить и социализмать тевоншты преданностъ.

Бакуса, коса Киров ялгась ульсь азербайджанскый компартиять Цен-

тральной Комитетонц секретарькс, и Ленинградса, коса троцкистско-зиновьевскый оппозициять срафтоманза меле Сергей Мироновичсь ульсь Ленинградскый губкомонъ, а сяда меле партиянь обкомонъ секретарькс, сон йотафтсь вельф оцю организаторскый партийнай и хозяйственной работа. Киров ялгать седи вакса кельгоньдезь и ужальчнесь трудяень сембода кели маскатыне.

Партиясь содасы Киров ялгать, кода выдаюшай организаторонъ, непримиримый большевиконъ, талантливый и опытный руководителец. Минъ партияньконъ 10-це с'ездсонза Киров ялгась кочкесеви кандидатокс, а 11-це с'ездса—ВКП(б)нь ЦК-нь членкс. 1930-це кизоста сявомок Сергей Мироновичсь ульсь ВКП(б)нь ЦК-са политбюронъ членкс, а 1934-це кизоста сявомок сяда башка ВКП(б)нь ЦК-нь секретарькс.

Тяфтама славнай кись, конанъ йотазе сире большевистскый гвардиять замечательнай представителец—Киров ялгась, кона максозе партияти и рабочай классти, минъ странасонк социализмать победанцы сембе соньценъ яркай пламенный эряфонц. Киров ялгась ленинско-сталинскый национальнй политикать неуклоннайста йотафтоманц вельде йотафць пяк оцю работа Закавказьяса—сембеда пяк Бакуса социалистическый строительствать вишкотеманц колга. Бурнай темпса кассь Киров ялгать пинкста Закавказьять хозяйстван. Ламонъ крда кассь Бакуса—минъ промышленностенеконьди и транспортонеконьди жидкай топливаса снабжениянь главнай источникса—нефтанъ добывамась. Неоценимайхть Киров ялгать заслуганза Закавказьяса и Севернай Кавказса советскый властть тиемаса и кемокстамаса.

Гигантскый работа йотафць Киров ялгась и Ленинградскый областъ эса социалистическый строительствать мольфтемасонга. Именно Кировсньди, сьормадсть Ленинградонъ сире рабочай-производственникне, минъ обязаттама сянъ мархта, што Ленинградскый промышленностъсь пашкодезе васеньце пятилеткать колма кизоста, тонадсь (освоила) сядот оп сложнейшай производстват, арась могучай оплотокс минъ родинанеконъ ареляманшты, няфць производстванъ организаторностень и сире культуранъ кепотькс. Теенза минъ обязаттама эсь оцю сатфксонеконъ мархта омбоце пятилетканъ плантть пашкодемаса, техникать тонадомаса од громадной сатфкенень мархта, минъ областенеконъ богатейшай недранзон разработкаса, минъ областенеконъ единаличнайста колхознайкс, потребляюшайста производяшайкс шарфтоманц мархта. Кировс соньць работась Сталинкс, тяфта работама тонафнемазь и миньгя.

Киров ялгась эсь руководстванц мархта маштсь фатямонза Ленинградть и Ленинградскый областъ сембе партийнай, хозяйственной и культурнай эряфонъ многограннай ширензон.

Сонъ ульсть оцю государственнай, партийнай деятелень способностенза, конач маштсь прекраснайста шарьхкочнемс сложнай обстановкатъ эса, щупамс главнай и основноить, кочксемс надежнай кадрат. Киров ялгась тонафнезень советскый, хозяйственной и партийнай организациятьнень сянньди, штоба аф максемс пряснон „сатфксненъ эзда прянъ шаракдомати“ и пяк атак ужальдть (беспошаднайста) бичевандакшнезень благодушить, разгильдяйствать, самоуспокоенностъ. „Самоуспокоенностъ—минъ работаньконъ злейшай врагоц,—корхнесь сон,—эряви, штоба минъ эрь шинъ практической работанеконъ мархта ялан ряцок молесть (сопутствовало) партиять тевонц инкса большевистскый, честнай, благородной внутренней тревогась“.

(Пец 2-це лопаширеса)

СЕРГЕЙ МИРОНОВИЧ КИРОВ

(Пец. Ушедксонц ванк 1-це лопаширеста)

Партиянь выдающай деятельсь Киров ялгась ульсь Ленинградскэй партийнай организациянь пяк авторитетнай руководителкс. Ленинонь ошса Сергей Миронович 9 кизонь работаманц пиньгста ленинградскэй партийнай организациясь кемокстась стане, кода ашель мзярдонга (как никогда). Улемок пяк требовательнайкс эсь признаты, Киров ялгась партийнай организациятнень ширьденге, и партиянь эрь члентт ширьденгя вешсь оцю инициатива, активность, большевистскэй самокритика и аф мирендазь тюрема партиять линиянц йотафтоманц инкса. Киров ялгать руководстванц ала ленинградскэй партийнай организациясь кеподьсь пяк сериста. Кассь партийнай массатнень активностна, сяда крхкаста суvasь внутрипартийнай демократиясь, большевистскэй самокритика вельде ламода цебарьгодсь партийнай организациятнень практической работасна. Аф ваномок тьянь лангс, Киров ялгась тонафнезе партийнай организациять аф лотксемс сатфкснень лангс, а решительнайста тюремс сембе фронтса идейно политической работать качестванц касфтоманц инкса.

Партиянь четтнень марксистско-ленинскэй воспитанияснон колга кизефкснень лангс Киров ялгась шарфнесь пяк юцю мяль, вишкста (решительнайста) бичевандакшнезе фсякяй формализмат, ко на ц уленць партийнай тонафнемаса, рахсекшнезень горя-пропагандисттнень, конат синькя аф тонафнихть, и лиятненьдинге мезевок аф максихть. „Тяни, — корхтась Киров ялгась 1934-це кизонь октябрь ковста обкомонь и горкомонь пленумса, — мзярда штурмань идеясь кенерькшни массатнень сознаниясь“, мзярда сембе масторлангса келси революционной боень волна, тейнек эряви нингя сяда цебарьста, нингя сяда асьнейста шарьхкодемс, кодама могучай оружия макссть Маркс-Энгельс-Ленин и Сталин международнай рабочай движенияти. Марксизмась-Ленинизмась — тя видекс настоящай и единственной наука, кода тонафнесыне трудяйхнень эсь врагснон сяськоньдема. Тя наука атак содак (сонь мархтонза атак владандак), аш кода победнайста тиемс мировой революциять.

Киров ялгась неизменна ащесь инь маластонь соратникокс Сталин ялгати. Контрреволюционной троцкизмат, предательскэй зиньевевскэй группат и види ширьдень оппортунизмат каршес тюремаса Киров ялгась ялан ульсь партиять васынь рязонзон эса. Сембе эсь непримиримостенц и страстностенц мархта сон разоблачандакшнезень и громиндазень ленинизмат эзда, минь партияньконь генеральной линиянц эзда фсякяй йомла отклонениятненьгя. Сембе странась мяляфцы безпощаднай тюремат, конань мольфтезе Кировсь партиять врагонзон каршес Закавказьясь и Ленинградса. Об'единенный оппозициять страфтомод меле ленинградскэй партийнай организациять ленинскэй ЦК-ть перьф кемоста пуромоманц (сплочениянц) — тийф Киров ялгать мархта. Сон няфць выдающай партийнай руководителень исключительнай организаторскэй способность и, страфтомок партиять врагонзон, тиезе сплоченнайкс (сплотил) ленинградскэй организациять, тиезе сонь партияти и Ленинскэй Центральной Комитетти кеме оппоракс. Сембе странась мяляфцы Киров ялгать пяк цебарь, захватывающай реченц, конань сон корхтазе партиянь 17-це с'ездса, конань эса кайгсь победоноснай пролетариатть

торжествующай мороз (гимно) и конань эса яркайста и образнайста ульсь штафтф оппортунисттнень природасна — нят „обозникнень“, конанг „сянь васте, штоба тюремс основной боецнень рядснон эса, синь то тифтенянь, то целай группаснень руководящай рядтнень эзда кой-коста либо чопафнесть шири, либо лядонцть фталу, либо кяшенцть обозса али танга коса нибудь“.

Большевистскэй кшнинь дисциплинать инкса, величайшай революционной бдительностть инкса тюрсь Киров ялгась, терьнемок теест партиягь и рабочай классть. „Ся, што минь сяськоме, — корхтась Киров ялгась партиянь 17-це с'ездса, — ся, што тьяни нят срафтф оппозиционерхне тьяфта, кода содастась, теряфнихть всякай ладса шовордамс эсь пряснон минь победанеконьди, тья нингя кодамовок степеньца, ялгат, аф валхнесы шинь порядокть эзда кизефксть сянь колга, што тейнек инголингя эряви ванфтомс минь партиянеконь генеральной линиянц арушиц и неприкосновенностец“.

Выдающай организаторсь и пламенной трибунць — Киров ялгась ульсь любимецокс ленинградскэй и бакинскэй рабочайхненьди. Сон наголь ульсь кемоста содонтф рабочай массатнень мархта. Киров ялгась ульсь содонтф сядат и тюржятть рабочай мархта, внимательнайста и любовнайста шарфнесь мяль синь запросснон и нуждаснон шири, сон наголь макссесь теест ялгань лезкс. Академикста сявомок и рядовой рабочайти модемс — сембе васьфнесть Киров ялгать ширде внимательнай, чуткай отношение, эрavings лезкс. Чуткость, внимательность, простой шись и задушевность ульсь характернай чертакс Киров ялгати. Сон пяк лац машць нежедеме рабочай классти, нежедекшнесь „потмозонза“, щупсезень сонь волнующай кизефксонзон и машць синь азокшннемост. макссесь простой и сатомшка ответт.

Великай пролетарскэй ораторсь — Киров ялгась машць необычайно яркай, остроумнай, сочной, красочнаа формаса азонкшннемост инь сложнай кизефкснень, кривастемс кулхондихнень энтузиазмаса и победати верондамаса, неумалимай логикаса, валса, конат оржафтф кода кинжал, тарксезень лангс и шавондозень врагтнень.

Кировсь палсь работаса и эсь толонц мархта криваснезнь лиятненьгя. „Сатомшка ульсь теенза йотамс рабочаень пуромксу, — минь Мироныченеконь йоткознок лисемац кепсезе духть, и минь анокт улеме модемс сонь мельганза толс и ведьс“ — сьормадсь Сталин ялгати Ленинградонь сире производственник — рабочайхне. „Любовайсь ба минь эздонко, атак думандак, вельхтязе-ба минь Кировоньконь эсь мяштенц мархта врагть пулянц эзда, колебанияфтома максозе-ба сонь инксонза эсь эрэфонц“.

Тяфтамок ульсь Сергей Миронович Киров — тя кристалекс ащи чистай, непоколебимо стойкай большевиксь, кода 30 кизонь пиньгя тюрсь Ленинонь — Сталинонь партияснон тевонц инкса, социализмат инкса. Тяфтамок сон и кулось славнай боевой постса, подлай убийцать — выродкать Николаевть, фашисттненьди прянь миф контрреволюционной, троцкистско-зиновьевско-каменевскэй группань, участникть кяденц эзда. Партиять мархта наголову срафтф, кели массатнень инголе разоблачандафт, антисоветскэй троцкистско-зиновьевско-каменевскэй группат гнуснай подонканза партиять и рабочай классть

лангс эсь зверень кяжсьост, йотасть индивидуальной терроронь бело-бандитскэй фашистскэй кити. Нят мерзкай убийцатнень, контрреволюционной гнуснай тряпкатнень эзда юмась Киров ялгась, кода большевистскэй сембе непримиримость мархта коряньнек таргсель Ленинградскэй организациясь контрреволюционной троцкистско-зиновьевскэй блокть последышензон эса.

Сембе странась калмась Киров ялгать эса. Нят аф юкстави шитьнень эзда сембе трудяйхнень взорсна ульсь шарфтф кремлевскэй стенать шири — великай пролетарскэй революциянь тя пантеонтть шири. Великай юмафкссень нингя сяда теснаста пуроптозе рабочай классть и минь странань сембе трудяйхнень Ленинскэй партиять и народть кельгома генеральной вожденц Сталин ялгать перьф. Кремлевскэй стенать вакса, Киров ялгать свежай калмонц лангса рабочай классть и советскэй сембе трудовой народсь макссть клятва — нингя сяда сериста кеподемс классовай бдительностть, нингя сяда пощадань аф максозь лихнемс лангс и разоблачандакшнемс срафтф, но прокс атак шафт классовай врагтнень и синь подлай агентураснон вылазкаснон, нингя сяда вишкста и беззаветно тюремс рабочай классть тевонц инкса социализмат инкса, конанцты максозе сембе эсь лакай эрэфонц Сергей Миронович Кировсь.

Истась киза. Тя кизоста минь советскэй социалистическэй странанекя Ленинонь — Сталинонь партиянь руководстванц ала кеподьсь развитиянь ол ступеньц. Промышленность и транспортсь молихть инголи оцю аськолкаса. Оцю сатфкст минь сатоме социалистическэй велень хозяйстваса, минь совхознеконь и колхознеконь эса. Вишкста фатнесь сембе странатъ трудонь оцю производительностть инкса, омбоце патилеткань плантть пачкодемаса срокнень кирьфтамаснон инкса стахановскэй движенияс. Пяк ламода кемоктавсь и кассь минь родинаньконь обороно-

способностец, кода зоркайста ащи мирть арелямасонза. Атак ужальдть аропнемок эсь рязонзон васькафтозь суваф классово-чуждай и враждебнай элементтнень эзда, авантюристтнень, жуликнень и примазавшайхнень эзда, Ленинонь — Сталинонь партиянь ингольцекс кемоста и увереннайста ватсы социализмань странатъ од победатненьди. Сонь вятиец народонь великай, мудрай вождьсь Сталинць, кельгевикссь и роднойсь, конаньди маластонь соратникс, ученикокс и ялгакс ульсь Кировсь.

Киров ялгать колга, СССР са социализмань тевть инкса сонь атак сизьсек тюреманц колга памятьсь кепсезе мяльснон миллиотт трудяй ломаттнень рабочай классть сембе врагонзон каршес тюремат, классовай революционной бдительностть сяда пяк кепсезанцты, коммунизмат инкса сяда ингольденге беззаветнай тюремат. Катк минь странань эрь трудяйсь тя шиня тага весть лятфгасыне Киров ялгать пламенной валонзон: „Эряви улемс сокор, штоба аф няемс кода тьяни сембе земной шарсь явштовсь кафта гигантскэй, но аф ровна полушариява: фкять эса ве, шовда и шава и кулавал — смерть, омбоцетъ эса — эрэф, работа и творчества и победнай вал — инголи, од эрэфти! И, ялгат, аш сяда счастливый ломатть сятнень коряс, конатнень лемсна большевикт. Тя полушариять лангса минь тинь мархтон инголи канцаськя ты победнай знамять и безусловно минь сяськятма, кода ульхтатма вернайхть Ленинтъ заветонзонды, кода карматама молема минь кельгома „Сталиннеконь указаниязон коряс“. И минь великай родинаньконь миллиотт трудяйхть молихть ты кить эзда, тапсезазь эсь врагснон, сатнихть коль од и од победат.

Влад. Докунин
(Примаф радио вельде).

Ал. Сурков

СКОРБНАЙ КИ

Кельмя эйть ала
Сетьмозевсь модась,
Акша скатернять —
Паксятне перьф.
Скорбнай кись
Оцю горяса кодавсь,
Горясь кепеди седиса вельф
Кевда стака тя горясь —
И седица коли,
Ой, пяк саворста
Шись тяти моли!
Скорбнай кить кафта ширева
Компзевсь порась,
Ошне ухитть тонь эсот, —
Синь арафкат рядс.
Ништа тьяфта
Тонь васьфтемдот йорась
Якстерь Москувонь
Пролетариатсь?
Горять кандомац
Содонды аськолкась,
Азат вал —
И аф кулеви валсь.
Ништа траурс
Тонь ашкодомс арьсесь
Якстерь Москувонь
Колоннай залсь?
Стак минь ялганькя,
Кулофонь пленцта,
Стак и пламенной вал

Тейнек аст...
Тачи
Сембе странатъ педз-песта
Сельмя веденькя
Вельксот тонь прасть.
Киров ялганькя!
Кяр модьтам тевозт,
Тевця факелкс
Минь ингольчон ульсь.
Тон кульсак, Киров ялганькя,
Теезт
Славнай ломаннеке стясть караулс,
Нельгозь эрэфцень,
Тевцень аф нельксазь!
Врагтне пейсон синьдсезь
Кевонь пандс!
Тачи сембе странанькя
Тонь вельксот
Клятва
Кандсь.
Лазксця горяса кемоста перьф.
Клятвасть тии минь сединокь
Кшникс.
Большевинокь
Зарякс палы эрэфсь
Стай и валдопты
Перьф-пали шикс.

Рузоньнеста йотафтозя

А. Карасев

МИНЬ ПАРТИЯНЕКЕ КЕМЕ, КОДА ГРАНИТ

Киров ялгать валлоц якстерь столицань рабочайхненди и работницатненди

Минь славнай якстерь столицанеконь рабочайхть и работница ялгат!

Минь большевиконь партианеконь 17-це с'ездонц поручениянц коряс азан теентть пламенной паравал. („Ура!“ ивадемат).

Ялгат, минь партианеконь с'ездонц тиенди великай работань итогт, конатнен тиезь минь рабочай классонеке трудовой крестьянствать мархта союзса, коммунистической партиять руководстванц ала, колмода лама кизотнен пинкста. С'ездсь нингя и нингя весть лувонцы, конашкава правильнай, надежной и творческой ульсь партиять генеральной линияц, минь странасонк социализмать строяманц линияц.

Минь великай советской масторнеконь сембеуженанзон эзда пуромсть минь ленинской коммунистической партианеконь представителенца, и сембе синь корхтайхть сянь колга, што минь советской масторнеконь ланкса аш фкявокстама уже не, коса ба афоль уль од, коммунистической, большевистской работа, кона тии од, социалистической эряф. Аф аныцек минь странанеконь основной оцензон эзга, но и сят ошнен эзганга, конатнен лемсна аф келиста содафтольхть, и тосонга тиендевихть социалистической стройкань очатт, фабрикат и заводт. Тоса, коса исяк ульсь пустынат, необитаемая вастт, тачи стройсевичхть индустриянь гигантт.

Минь социалистической промышленностинь конь гигантской завоеваниянзон вельде, кона макссь пяк оцю технической средстват, минь тя йотаф пинкть эзда шарфтось од, колхознай рельса ланкс минь веленеконь. Тя пяк оцю завоеваниясь макссь од основани сяньди, штоба нингя сядонга пяк кемокстамс минь странасонк рабочаень и сьоравидиень союзть.

Ялгат, тя сембе марса саяфсь ламода кемокстазе минь Советской Союзнеконь арялама шинц, кеподезе минь странанеконь авторитетонц сембе мирть эса.

Минь партианеконь и минь рабочай классонеконь главнай и инь стака, инь оцю завоеванияц ащи, ялгат, сянь эса, што минь мекольден кизотнен эзда педа-пес, кореннек машфтось сят основатнен, конатнен ланкса мог касомс и вишжомомс велеса капитализмась. Тяконь мархта минь решительнайста и прокс калмаськ ингольден сире, проклятай, эксплуататорской, помещиконь-буржуазнай стройт. Тя минь коммунистической партианеконь, конань ланкса вяти руководства минь славнай, твердокаменной, великай ленинецсь—Сталин ялгась, сембе победоноснай завоеваниянзон эзда фкясь. („Ура!“ ивадеме вайгальхть).

Тинь должетта, ялгат, содамс, што инголе аф весть рабочайхне кепсесть восстаниянь знамясь поработительсон каршес. Сембеда труднай и неразрешимай задачкась ульсь теест крестьянскй кизефксь. Тя кизефксь аф пашкодематнц сюнда ульсь ваифтф рабочайхнен версионды Парижскй коммунась. Тякажа кизефксь ашезь пашкодез Венгерской революциятига. Но тя кизефксь пашкодезе (решила) ся партиять, конань пуроптозе, касфтозе (выпестовал) и воспитандазе вождьтнен эзда инь величайшайсь, конань калмонц ваксс минь тачи тинь мархтонтт пуромоме.

Тя валть Киров ялгась азозе Ленинонь мавзолеенц трибунанц ланкса партиять 17-це с'ездонц лемс грандиознай демонстрациять пинкста

Тя кизефксь пашкодезе минь Сембесонзон коммунистической партианеке, конань ланкса вяти руководства инь цебарь ленинецсь—Сталин ялгась. („Ура!“ ивадеме вайгальхть).

Минь обязаттама, ялгат, минь победанеконь мархта тяфтажа и сяньди, што минь ули огромнай коммунистической партианеке, конань, эса пуроптф сембе инь цебарьхне, минь СССР-нь славнай рабочай классь йоткста сембе творческой и революционнойсь.

Минь ули тяфтама партианеке, конанц машты эсь великай работанзон сатфксонзон праздновама. Минь ули тяфтама партианеке, конанц аф комфнесь эсь большевистской прянц кодама тязя уль трудностень и опасностень каршес, конат лисендихть потма и уша ширде.

Минь партианеке кеме, кода гранит! Минь партианеке единая, нераздельная, кода монолит!

Минь великай партианеконь ланкс ульсь врыгнемат (нападки), натискт разнай ширде. Но минь партианеке, конанц календаф великай тюрематнен эса Сталин ялгать руководстванц ала, наголь уленц, незыблимаксь, прочнайксь, сясько-дезень минь коммунистической партианеконь ланкс сембе врыгнематнен.

Тиендемок итогт минь работанеконди, с'ездсь арьсекшии ошса и велеса социализмать тиemanцты дальнейшай ки, минь странасонк рабочайхнен и лама миллионнай колхознай крестьянствать благосостояниясон сядат тов касфтоманцы ки.

С'ездсь аф сомневандакшии, што минь странанеконь великай рабочай классонц лездоманц вельде минь маластонь кизотнен эзда рабочайхнен и колхозникнен благосостояниясон кеподеме задачаг пашкодсаськ сядат вишкста

сянь вастс, кода минь тиендескь тачиен шить самс.

С'ездсь намечандакшии, ялгат, минь Советской Союзнеконь аряламанц кемокстаманцты дальнейшай кит. Победанеке минь пяк оцюфт неотразимайхть. Но, ялгат, минь перьфканок сембе нингя эряй, сущестовандай, виде, разлагандакшнечи, но тейнек враждебнай капиталистической мирсь. Сон кемокстави (крепнушим) коммунизмать каршес тюремее йорясыне асатка эсь виензон.

Фашистне эсь столицасон площадьсон ланкса плхтайхть Марксонь, Энгельсонь, Ленинонь и Сталинонь, творениясон, юкснемок сянь, што миллиотт трудяень и угнетеннаень седийса ащи хть минь великай основоположниконь конь и руководителенонь учениясна.

Ялгат, минь должеттама тиенс сембонь сянь ингса, штоба, кда минь врагонеке Востокса али западса тяряфтыхть врыгтемс минь великай Советской Союзнеконь священнай границанзон ланкс, улемс анокт максомс победоноснай, сокрушительнай отпор.

Ялгат, партиять 17-це с'ездонц работанза тянь надьяфнесазь.

Мекольден валсон мьярьгода теенвазомс теентть братской большевистской паравал ся ошть эзда, конань эзда монь ули щастиязе улемс делегатокс,—минь славнай Ленинграднеконь эзда.

Шумбрат улест минь великай якстерь столицанеконь—Москуть рабочаенца!

Шумбра улеза минь Советской Союзнеконь рабочай классон, кона эсь мельганза вятьсы лама миллионнай колхознай крестьянствать!

Шумбра улеза минь сембе победанеконь руководителец—минь славнай, несокрушимай, великай, единая коммунистической партианеке, сонь 17-це с'ездонц и сонь славнай, несгибаемой, великай руководителец и стратегон—Сталин ялгась! (Вайгальхть: „Ура!“)

„Шумбра улеза 17-це с'ездсь!“ „Шумбра улеза Сталин ялгась!“ „Шумбра улеза мировой революциясь!“ Овацят „Интернационал“. (саяф „Правдасть“ кона ульсь молдаф декабрь 4-це шистонза 1934-це кизоня).

АСТРАХАНЬТТЪ ИНКСА ТЮРЕМАСЬ

Тунда 1919 кизоня Астраханьць ульсь кружаф белогвардеецнен мархта.

Саратовть шири моли машинаксь ульсь кярф. 11-це армиять частенза кирдьсть поражения вельф цебарьста вооружандаф белогвардейской полчишатнен ширьде и потасть Кизлярть эзда Каспийскй морять беряконцты модемс. Свирепствовандасть вахашись и сыпной тифсь. Ашельхть медицинтт и продовольствия, ашесть сатне лазареттне.

А врагсь вишкста люпштась якстерь Астраханьтть перьф. Ошть судьбац нюрьгсь шьярь вельде.

Нят грознай шитьтнен эзда Сергей Миронович Кировсь мошьфц руководства якстерь Астраханьтть ареляманц лангса. Теенза присушай энергиять мархта сон ушедсь организовандама Волго-Каспийской военной флот, конанцты эрявсь эрхтемс ятци врагть ланга.

Нят шитнен эзда мон, кода Волго-

Каспийской флотонь моряк, примсень участия „Золотая рыба“ нефтеналивной баржаты вооружандаманц колга работатнен эса, конанц минь шарфтось 2-це № батареекни.

Работамя шинек-венек. Судоремонтнай заводонь рабочайхне, паеконь аф получаць сизефт и мощьфтепт, контрреволюционерхнен влияниясон вельде кармасть атакшнema работать эзда.

И вов эста мон васеньцеда няния Сергей Миронович. Сон сась тейнек заводу и лиссь корхтама рабочаень пуромксса.

Васьфтезь сонь аф пяк лац, пятай враждебна. Но сонь тяфтама кемя и сялги эсь прямотанц коряс, яркай эсь содержаниянц коряс, простой и убедительнай валлоц (речец), кривьстезень сембе присутствуюшайхнен. Тя валть виец сязозень эсь мельганза рабочайхнен, и Сергей Мироновичть проважась ламос кядень цяпазь.

Волго-Каспийской военной фло-

Тялось шить

эсь тюссонза архты, Сельмеведьть вармась ашкеры снавкс.

Вона кода, Сергей Миронович, мархтот Столицати васедемс савсь. Миронович! Заводоньконь серьсна тусьть вярй —ичкизет!

Тячи траурса ашкеровсть синь. Вдь минь арьсемя—

лама и лама кизот

Живойста васедькшнелеть мархтонок минь. Минь йорадызь васедькшнемс эрекста, валдста

И кирьдемс эсь кядьсонк

кядьценъ,

А тоса

Минь марьялеськ шнаманьконь валстот,

Кодак арфтольдэзь Мазы метроса.

Атани— уфсесынь знамятненъ

вармась,

Матрай горясь

Минь сединокь эса.

Столицань ульцятненъ кувалма Минь телачень канцаськ

кядь песа.

И вярй увнайхть самолетт.

И вярй—

Минь вельксонк палыхть тонь валхне—эрект!

И ащи тонь вельксот

странась—

Афазомшка горе седизнок прась.

Рузоньнеста йотафтозя

А. Карасев

С. М. Кировть сочи нениянзон 1-це томсна

Маластонь шитнен Партиздатсь нолясы Сергей Миронович Кировть сочинениянзон 1-це томсон, коза сувафтф сонь 1912-1921-це кизотьнен пингонь статьяна и реченза.

Томти сьормадсь предисловие Б. П. Позернось.

1-це томти сувафтф С. М. Кировть статьяна и реченза, конат ульсь сьормадф и корхтафт сонь Севернай Кавказса, Астраханьца и Тифлисса работамстонза.

тсь ульсь тийф.

Бакуть белогвардейской отрядтнен и английской интервенттнен мархта фатяма пиньгонза Сергей Мироновичсь вятьс руководства подпольнай работать лангса. Сон организовандазе Астраханьца Бакув рыбацкай аф оцю лотканяса подпольнай литературань кучсесмать и ся пиньгть уликс аф лама аэропланттнен бакинской бензинца снабжандамасон. Бакув лядф большевикне, Сергей Миронович Кировть указаниянц коряс, проважсезь бензинтть Астрахани контрбандакс сяка жа рыбацкай лоткатынен эса, конат теест пачьфнелхть подпольнай литература.

И сянь эсонга, што Астраханьць лядсь якстерьк, а белогвардейской полчишатнен ульсь срафтф и машффт, вельф оцю заслугац минь аф юкстави вожденьконь Сергей Миронович Кировть.

Ф. С. Игнатов.

„Русский дизель“ заводста.

ОД ЛОМАТТНЕНЬ УЧИТЕЛЬСНА РЫБКИНАНЬ РАЙОНЦА КОМСОМОЛЬ ЛАНКСА ПАРТРУКОВОДСТВАТЬ СОСТОЯНИЯНЦ КОЛГА

Мокшэрэнь ВКП(б)-нь обкомть бюронц путфксонц октябрь 26-це шистонза 1935-це кизоня

Сергей Миронович Кировсь ульсь тейне, Ленинградонь комсомолецненьди, примеркс сяньди, кода эряви беззаветнайста, пестас, большевистской непримиримость мархта тюремс большевистской рядтнень единстваснон инкса, ленинской партиять чистотанц и идейнай четкостени инкса.

Тя пиньгс мон мяляфцайне нят толса, суваф валхнень Киров ялгать монь мархтон васеньцеда маряф речьстонза, конань сон корхтазе чрезвычайнай губернской партиянай конференцияса:

„Минь можем азомс сиротакс ськамост лядф кода корнихть объединеннай оппозициянь представителхненьди, што шлагбаумсь Ленинграду молема кить лангса оппозицияти сьолгф и сьолгф окончательно“.

Башка мяль Киров ялгась эста шарфнесь комсомоль лангс. Пяк простой кяльса сон азончезе тейнек партиянь линиянц, няфнесь сталмотнень л а н г с, конат ащесть минь иголенок, и нят сталмотнень машфтомаса китьнень лангс. Сяда увереннайста, тьождаста и бодрайста марявсь эсь пряце Киров ялгать эрь речтонза меле.

1929-це кизоне, мзярда минь сувафнеськ карточнай системать и сашендовсь кирьфтамс фсякай продуктань максима нормать, Сергей Миронович пуроптомась минь, комсомолецнень, и мярьгсь: „Стака, ялгат, эряви кирьфтамс паекнень, эряви молема рабочайхненьди и азондомс теест, ме минь кирьфнесаськ ваень, сиволень, кишинь максемать; синь шарьхкодсьазь, што тя временна, што тяфтома аш кода. Мон шарьхкодсь. — корхтась Киров ялгась, — што молема рабочайхненьди и азондомс, што карматама паекнень кирьфнема, аф пяк приятна, но лия выход аш, и рабочайхне минь шарьхкодсьазь, сяс местянь минь тиеньцаськ минь страна-сонок трудяйхнень интереснон иньгса.“

Кода надиякшнесь рабочайхнень лангс Киров ялгась! И сон ульсь тьожаньксть виде, Да, рабочайхне шарьхкодсьазь и верендакшнесь минь партиянеконди, што нят сталмотне, нят паеконь кирьфтаматне, нят карточкатне — сембе тя временнай. Арьсян, кодама восторг мархта ба азозе Киров ялгась нят карточкатнень машфтомаснон колга декабрь 1-це шиста, кда ба аф проклятай убийцать кядец!

Киров ялгась кельгозень и шнакшнезень (ценил) комсомолецнень, но сон мзярдонга ащезень кадонда минь йоткозюнок минь лафча/ширеньконь.

А кода воспитандакшнесь Киров ялгась минь эконок СТАЛИН ялгать кельгомандцы чувства. Мзярда сон азондозе али лятфнезе Сталин ялгать лемонц, то корхтась стане, што сембе няеньдезь пролетарской революциять тя титононц великай шинц. Кодама страстность мархта сон тюрсь вождьть указаниязон пашкодёмаснон инкса. Партиять 17-це с'ездсонза Киров ялгась лифтсь предложение Сталин ялгать докладонц колга аф примсемс кодамовок резолюция, а примамс сембе сонь положениязон и выводонзон кода кеме партиянай закон.

Тейнек, комсомолецненьди, Киров ялгась ялан няфнезе эсь прянеконь Марксонь—Энгельсонь—Ленинонь—Сталинонь ученияснон мархта вооружандаманц важнай и пяк эрявикс шинц.

Весть активонь пуромксса сон

азозе: „Великай древний ученайсь Архимедсь мярьгсь: „Дайте тейне надежда точка и мон шарфца омбоконц лангс сембе мирть“. Тяфтама надежда точка минь получаме Марксонь—Энгельсонь—Ленинонь—Сталинонь ученияснон эса, конань лангс надежды минь шарфца ськ омбоконц лангс сембе мирть“.

Азондомок революционной теориять пяк оцю значениянц, Киров ялгась кемоста минь сьохсешнемазь человеческай значениянень основаснон лангс пренебрежительнайста ваноманкса. Аф весть Киров ялгась азончнесь школьничнень лангса соньценъ личнай наблюдениянзон и синь мархтост беседанзон колга и тянь шовор кемоста лятфнезе, што школатнень эса васеньце класса кига идянтнень пряснон пашкоднесазь (забивают) „класснень тюремаснон“ мархта, а сьормадомы и лувомы, кода эряви, яф тонафнесазь. Сон вешсь минь эздонок, штоба минь крутаста тюрфтолеськ эсь мяленьконь пионерорганизациять, школать шири,

Пяк оцю образецокс тейнек арьсась Киров ялгась организованность и дисциплинать колга. Теенза руководящай партиянай органдтнень решениясна ульсь законкс и стама законкс, кснац эряви пашкодемс кода аф кода.

Киров ялгась ялан предупрежда наакшнезень комсомолецнень фразерствать эзда, фсякай наружань блескть и мишурать эзда. Мон мяляфца весть Володарской районца активонь пуромкса лисеньц корхтама кода бди пустозвоннай цыораня. Сон яфиесь кядензон мархта, азонц декламацият. Тя активса ульсь Киров ялгаськя. Теенза сияк арась интереснаеньди кодама тя цыоракоста сявовсь тафтама кривлякась и болтунць. Мзярда сон содазе, што „ораторсь“ аделазе агитациянь институтть, Киров ялгась специально кярмодсь тя институтти.

Аш кода азомска ся пяк ошо лезксть, конань макссезе комсомолти Сергей Мироновичсь. И аф сави дивандакшнесь, што сон пяк кельгоньчнесь и сембе од ломаттневок.

Аш Киров ялгась, но сон виспитандась и кадсь эсьтедонза меленьди сядат и тьожайть ломатть, конат путсазь сембе вийснон сяньди, штаба мольфтемс инголи мировой пролетарской революциять тевонц.

Анцек Ленинградской организациясы Киров ялгась од ломаттнень йоткста воспитандась аф кржа выдающей работникт.

Аш Киров ялгась, но минь, Кировь мархта воспитандафне, макссезяма вал партияти и сонь Центральной комитетонцты, што Киров ялгать шавоманц каршес ответонди карматама ниньге сяда пяк ниньге сяда энэр г и ч н а й с т а тюрема партиять тевонинкса. И Киров ялгать мархта воспитандаф од большевикнень лемези минь корхтатама—сонь шавоманц каршес отвечамста—Киров ялгать эсь валонзон мархта, конатнень сон азозень 1926-це кизоня чрезвычайнай губернской конференцияса Ленинградса, што: „Минь вештяма Центральной комитетть ширьде, мзярда эрявиксты али тона фронтса, шашфтомс минь партиянь членонь од кадрат—минь вештяма, штоба минь мельганк кадолезь сембеда ответственной сембеда труднай и сембеда опаснай васттнень“.

Л. ГУСЕВ.

Ленинград

ВКП(б)-нь обкомсь ваномок Рыбкинань ВКП(б)-нь райкомть работанц, комсомоль ланкса руководствать вятеманц колга лувонцы:

1. Сталин ялгать указаниянц и ВЛКСМ-нь ЦК-ть XI-це пленумонц решениянц комсомоль работанц одукс тиеманц колга Рыбкинань ВЛКСМ-нь райкомть ширьде пашкодкшненихть прокс аф удовлетворительнайста:

а) комсомолецнень и аф союзнай од ломаттнень йоткса политтонафнемазь апап пуроптт. 393 комсомолецнень эзда, сембец тонафнихть анцек 124 ломань. Партиять историянц тонафнеманц мархта фатяф 10 ломатть;

б) прокс аф мольфтеви работа идьтнень коммунистическай воспитанияснон колга, райкомсь аф содасы мзяра районца пионерда и пионеротрядта. Пионеротрядтнень и октябрьской группатнень эсатяниень пинкть самс аш вожатайхть;

в) стирьнятнень и авань од ломаттнень йоткса райкомсь кодамовок работа эзь вяте.

2. Тяфтама положениясь Рыбкинской комсомольской организациять эса лиссь сянь сюнода што:

а) Рыбкинань партиянь райкомсь ащезень пашкодть (игнорировал) ВКП(б)-нь обкомть бюронц путфксонц кода лифтф тя кизонь апрель 11-це шистонза и ВКП(б)-нь обкомть пленумонц путфксонц, кода лифтф тя кизонь майть 27-31-це шинзон эзда „комсомоль ланкса партруководствать колга. Сянь вастс, штоба максомс эрь шинь практической лезкс и забота комсомоль колга, партиянь райкомсь арась комсомоль руководстванц полафтома (подмены) кить ланкс и эзь макс работаса эрявикс условият, а ВКП(б)-нь райкомть секретаренц полафтыец Цыппленков ялгась (кода кемокстафоль ВЛКСМ-нь райкомти) грубайста администрировандакшнесь и командовандакшнесь комсомоль ланкса.

Тянь лангс ваномок ВКП(б)-нь обкомть бюронц путнесы:

1. Комсомоль лангса партиянай руководствать вишкотеманц колга обкомть решениянц игнорировандаманкса, конань сюнеда, по-

существу лафчесь районнай комсомольской организациять политической деятельности, ВКП(б)-нь Рыбкинской райкомть бюронц путомс на вид.

ВКП(б)-нь райкомть секретаренц полафтыенцы Цыппленков ялгати Комсомоль лангса грубай администрированиянкса и командованиянкса и критикать лангс аф партиянай мялень шарфтоманкса,—азомс выговор.

2. Мяргомс партиянь райкомти, штоба сон максоль комсомолонь райкомти тяфтама руководства и лезкс, кода ба инь маластонь пингть йотафтолезень эряфс Сталин ялгать указаниянзон и ВЛКСМ-нь ЦК-ть XI-це пленумонц решениянзон „комсомоль работанц одукс тиеманц колга“.

3. Азомс ВЛКСМ-нь обкомти, што сон аф серьезнайста и поверхност на шарфтьсь мяль ВЛКСМ-нь Рыбкинской райкомти руководящай работниконь явоштомать лангс. Мяргомс комсомолонь обкомти, штоба сон кемонь шинь пингста кочкаль комсомолонь райкомти сатомшка работникт.

4. Азомс Фенин ялгати (ВЛКСМ-нь райкомть секретарец) сянь колга, што мзярда содазе партиянь райкомть комсомоль лангс аф цебарьста мялень шарфтоманц, сон анцек пачьфнесь кулят тянь колга областной организациятьненьди, а соньц аярдсь шири ВЛКСМ-нь районнай организациять лангса руководствать эзда.

5. „Комсомольской организациять состоянианц и партруководствать колга“ ВКП(б)-нь Рыбкинской райкомть октябрь 8-це шистонь 1935 кизонь решениянц полафтомс сяс, мес сон аф правильнайста лувондозе комсомоль лангса руководствать колга эсь работанц.

Мяргомс партиянь райкомти комсомольской организациять состоянианц и партруководствать колга кизефксть и тя решениять вандондомс ВКП(б)-нь райкомть очередной пленумсонза.

6. Решениять печатламс газетаса.

ВКП(б)-нь обкомть секретарец Прусаков.

ВОЖАТАЙХНЕНЬДИ ЭРЯВИ ЛЕЗКС

Савсь корхтамс 12-це № школань старшай пионервожатайть Сысуев ялгать мархта пионерской работать колга.

Сон кархтай „што работась ладяф аф сатомшка, но сембе сяка минь пионерской организациянь мекпальден пингть сатсь кой-кодама сатфкст.“

— Монь пионерской организациясон,—корхтай Сысуев ялгась,—сембоц 6 отрядт, пионерда лама. Мон пионерской работаса пятай иень работакшнень, васенда ульсь тейне стака, но мон тя стакаль ланга йотань.

Штоба лихтемс пионерхнень и тонафнихнень творческай способностиснон, октябрьть мекпальден шинзон эзда йотафтьсь самодеятельнай художественнай олимпиада, васенда башка отрядга, а тядя меле сембе школьной олимпиада.

Тя пионерской организацияса стана жа улихть пуропфт кружокт, кода музыкальной, фотонь, физкультурнай и лият, конатнень

эса работась йотафневи систематическойста. Посещаемоть кружокнень эса сяда процентт.

— Сембе пионерской отрядтнень эса,—корхтай Сысуев ялгась,—улихть организовадф технической кружокт, и идьтне ня кружокнень мархта пяк интересовандаф, но кильдяв ся, што идень республиканской центральной технической станциясь кодамовок лезкс аф максси, технической станцияста изь сашенда фкявок представитель, кодаба ванольхнень технической кружокнень работаснон и макссь лезкс.

ВЛКСМ-нь горкомть эзда мон кодамовок лезкс изень получандакшнень, горкомовецне молихть сьнярда, мзярда лиси кодамовок случай, а стак пильгснанга аф шятынесазь, мекпали азозе Сысуев ялгась

Комсомолец.

Отв. редакторсь Ф. С. РУСЬКИН